

## 2011 nr. 130 28. september

### Lög um úrskurðarnefnd umhverfis- og auðlindamála

Tóku gildi 1. janúar 2012 nema brbákv. I sem tók gildi 30. september 2011. Breytt með: L. 21/2012 (tóku gildi 16. mars 2012), L. 138/2014 (tóku gildi 31. des. 2014), L. 139/2014 (tóku gildi 1. des. 2014), L. 89/2018 (tóku gildi 29. júní 2018), L. 79/2019 (tóku gildi 6. júlí 2019); koma til framkvæmda skv. fyrirmaelum í brbákv.). Ef í lögum þessum er getið um ráðherra eða ráðuneyti án pess að málnefnasvið sé tilgreint sérstaklega eða til þess vísað, er átt við umhverfis- og auðlindaráðherra eða umhverfis- og auðlindaráðuneyti sem fer með lög pessi.

#### ■ 1. gr. Hlutverk.

□ Úrskurðarnefnd umhverfis- og auðlindamála hefur það hlutverk að úrskurða í kærumálum vegna stjórvaldsákvárdana og ágreiningsmálum vegna annarra úrlausnaratriða á svíði umhverfis- og auðlindamála eftir því sem mælt er fyrir um í lögum á þessu svíði. Úrskurðarnefndin er sjálfstæð í störfum sínum.

#### ■ 2. gr. Nefndarskipan.

□ [Ráðherra skipar níu menn í nefndina og sjö til vara.]<sup>1)</sup> Einn nefndarmanna, sem skal vera formaður hennar og forstöðumaður og hafa starfið að aðalstarfi, er skipaður til fimm ára að undangenginni auglýsingu í samræmi við lög um réttindi og skyldur starfsmanna ríkisins. Hann skal uppfylla starfsgengisskilyrði heraðsdómara. [Einn nefndarmanna skal vera staðgengill forstöðumanns og varaformaður nefndarinnar. Hann skal uppfylla sömu hæfisskilyrði og formaður, hafa starfið að aðalstarfi og skipaður til fimm ára að undangenginni auglýsingu í samræmi við lög um réttindi og skyldur starfsmanna ríkisins.]<sup>1)</sup> Aðrir nefndarmenn eru skipaðir til fjögurra ára í senn og skulu þeir tilnefndir af Hæstarétti. Peir skulu allir hafa háskólapróf. Einn skal hafa sérþekkingu á svíði skipulagsmála, einn á svíði byggingarmála, einn á svíði umhverfismála, einn á svíði jarðvísinda, orkumála og jarðrænna auðlinda og einn á svíði vistfræði og lífríkis þurrleidis, ferskvatns og sjávar. [Tveir skulu]<sup>1)</sup> hafa embættispróf í lögfræði eða annað háskólapróf sem verður metið jafngilt. Varamenn skulu tilnefndir á sama hátt og uppfylla sömu hæfisskilyrði og aðalmenn.

□ [Um laun og önnur starfskjör formanns og varaformanns nefndarinnar fer skv. 39. gr. a laga um réttindi og skyldur starfsmanna ríkisins.]<sup>2)</sup>

<sup>1)</sup> L. 139/2014, 1. gr. <sup>2)</sup> L. 79/2019, 18. gr.

#### ■ 3. gr. Starfshættir.

□ Forstöðumaður úrskurðarnefndarinnar hefur yfirstjórn hennar með höndum og ber ábyrgð á fjárhag hennar og daglegum rekstri. Hann fer með fyrirsvar nefndarinnar út á við. Forstöðumaður ræður annað starfsfólk nefndarinnar.

□ Að jafnaði skulu þrír nefndarmenn eiga sæti í úrskurðarnefndinni um hvert mál sem nefndinni berst. Ef mál er viðamikið eða fordæmisgefandi skulu fimm menn sitja í nefndinni. Formaður ákváðar hvernig nefndin er skipuð í hverju mál og hvort hún er skipuð þremur eða fimm mönnum. Skal hann gæta þess að í nefndinni eigi sæti þeir sem besta þekkingu hafa til úrlausnar málsins. Formaður eða varaformaður eiga sæti í nefndinni í öllum málum. [Formanni er heimilt að ákveða að úrskurðarnefndin starfi deildaskipt.]<sup>1)</sup>

□ Nefndin getur falið formanni að úrskurða í málum sem eru einföld úrlausnar og varða ekki verulega hagsmuni. Nefndin setur fullskipuð nánari reglur um hvenær heimildinni verður beitt.

□ Nefndinni er heimilt að kveðja sér til ráðgjafar og aðstoðar sérfróða menn við úrskurð einstakra mála. Starfa þeir með

nefndinni við undirbúning og meðferð máls eftir ákvörðun formanns.

<sup>1)</sup> L. 139/2014, 2. gr.

#### ■ 4. gr. Málsmeðferð og kerauaðild.

□ Kæra til nefndarinnar skal vera skrifleg og undirrituð. Þar skal koma fram hver er kærandi, hvaða ákvörðun [eða ætlad brot á þáttökurétti almennings er kært],<sup>1)</sup> kröfur kæranda og rök fyrir kæru. Úrskurðarnefndin getur ákveðið að kæra skuli borin fram á sérstöku eyðublaði sem hún skal þá hafa aðgengilegt fyrir alla.

□ Kærufrestur er einn mánuður frá því að kæranda varð kunnugt eða mátti vera kunnugt um ákvörðunina [eða ætlad brot á þáttökurétti almennings].<sup>1)</sup> Það á þó ekki við ef mælt er fyrir um annan kærufrest í þeim lögum sem kærarleg ákvörðun [eða ætlað brot á þáttökurétti almennings]<sup>1)</sup> byggist á. Sé um að ræða ákváðanir sem sæta opinberri birtingu telst kærufrestur frá birtingu ákvörðunar.

□ [Peir einir sem eiga lögvarinna hagsmunu að gæta geta kært stjórvaldsákváðanir eða ætlað brot á þáttökurétti almennings til úrskurðarnefndarinnar.]<sup>1)</sup> Umhverfisverndar-, útvistar- og hagsmunasamtök með minnst 30 félaga [teljast eiga lögvarinna hagsmunu að gæta þegar um eftirtaldar ákváðanir og ætlað brot á þáttökurétti er að ræða]<sup>1)</sup> enda samrýmist tilgangi samtakanna að gæta þeirra hagsmunu sem kæran lýtur að:

a. ákváðanir Skipulagsstofnunar um matsskyldu framkvæmda, sameiginlegt mat á umhverfisáhrifum og endurskoðun matsskýrslu samkvæmt lögum um mat á umhverfisáhrifum, [sem og ákváðanir sveitarstjórna um matsskyldu framkvæmda],<sup>2)</sup>

b. ákváðanir um að veita leyfi vegna framkvæmda sem falla undir lög um mat á umhverfisáhrifum,

c. ákváðanir um að veita leyfi samkvæmt lögum um erfðabreyttar lífverur til sleppingar eða dreifingar erfðabreyttra lífvera,

[d. athöfn eða athafnaleysi stjórvalda sem lýtur að þáttökurétti almennings samkvæmt lögum um mat á umhverfisáhrifum].<sup>1)</sup>

□ Umhverfisverndarsamtök teljast samtök sem hafa umhverfisvernd að meginmarkmiði. Útvistarsamtök teljast samtök sem hafa útvist og umhverfisvernd að markmiði. Samtök skv. 1. og 2. málsl. skulu vera opin fyrir almennri aðild, gefa út ársskýrslur um starfsemi sína og hafa endurskoðað bókhald.

□ Þegar kæra berst nefndinni tilkynnir hún [hlutaðeigandi stjórvaldi]<sup>1)</sup> um kæruna og veitir því allt að 30 daga frest til að skila gögnum og umsögn um málið. Stjórvaldinu er skylt að láta nefndinni í té öll þau gögn og upplýsingar sem tengjast málinu og nefndin telur þörf að afla. Í viðamiklum málum getur nefndin veitt allt að 15 daga viðbótarfrest. Nefndin aflar viðbótargagna og umsagna og kynnir sér aðstæður á vettvangi þegar þörf er á til að mál teljist nægjanlega upplýst. Nefndinni er heimilt að sameina mál þegar kærur eru samkynja. Stjórnvöldum ber að veita nefndinni aðgang að gögnum og upplýsingum sem hún kann að óska í tengslum við úrlausn máls.

□ Nefndin kveður upp úrskurð eins fljótt og kostur er og jafnan innan þriggja mánaða frá því að málsgögn bárust frá stjórvaldi, sbr. 5. mgr., en innan sex mánaða frá sama tíma marki sé mál viðamikið. [Mál sem varða verulega fjárhagslega hagsmuni aðila, hvort sem er kærða eða kæranda, skulu sæta flýtimeðferð.]<sup>1)</sup>

- Formaður, eftir atvikum varaformaður, stýrir störfum nefndarinnar við umfjöllun máls. Pégar nefndarmenn eru ekki sammála ræður meiri hluti niðurstöðu máls.
- Um málsmeðferð nefndarinnar fer að öðru leyti eftir ákvæðum stjórnsýslulaga.

<sup>1)</sup> L. 89/2018, 4. gr. <sup>2)</sup> L. 138/2014, 15. gr.

#### ■ 5. gr. Stöðvun framkvæmda.

- Kæra til úrskurðarnefndarinnar frestar ekki réttaráhrifum ákvörðunar. Kærandi getur þó krafist úrskurðar um stöðvun framkvæmda til bráðabirgða séu þær hafnar eða yfirvofandi. Komi fram krafa um slíkt skal úrskurðarnefndin svo fljótt sem verða má kveða upp úrskurð um það atriði. Úrskurði um stöðvun framkvæmda ber viðkomandi stjórnavaldi að framfylgja pégar í stað, með aðstoð löggreglu ef með þarf.

□ Þau mál þar sem fallist er á stöðvun framkvæmda skulu sæta flýtimeðferð sé þess krafist af framkvæmdaraðila.

- Sé um að ræða ákvörðun sem ekki felur í sér heimild til framkvæmda getur úrskurðarnefndin með sömu skilmálum frestað réttaráhrifum hennar komi fram krafa um það af hálfu kæranda.

#### ■ 6. gr. Úrskurðir nefndarinnar og birtning.

- Úrskurðir nefndarinnar eru fullnaðarúrskurðir á stjórnsýslustigi. Úrskurðir nefndarinnar skulu birtir með aðgengilegum og skipulegum hætti.

#### ■ 7. gr. Kostnaður.

- Kostnaður vegna úrskurðarnefndarinnar greiðist úr ríkis sjóði.

#### ■ 8. gr. Reglugerð.

- Ráðherra setur í reglugerð nánari ákvæði um úrskurðarnefndina, þ.m.t. um verkefni hennar, valdsvið og starfsskilyrði.

□ Ráðherra er enn fremur heimilt að setja í reglugerð nánari ákvæði um málsmeðferð úrskurðarnefndarinnar, þ.m.t. heimildir til að sameina mál og úrskurða um mál með einföldum og skilvirkum hætti með vísan til fyrri fordæma og frestun réttaráhrifa.

#### ■ 9. gr. Gildistaka.

- Lög þessi öðlast gildi 1. janúar 2012. Ákvæði til bráðabirgða I tekur þó þegar gildi.

#### Ákvæði til bráðabirgða.

##### ■ I.

- [Staðgengill forstöðumanns úrskurðarnefndar umhverfis- og auðlindamála, sem jafnframt er varamaður formanns úrskurðarnefndarinnar, skal hafa forgangsrétt til stöðu nefndarmanns sem er jafnframt varaformaður úrskurðarnefndarinnar, sbr. 4. og 5. málsl. 2. gr., með starfskjórum samkvæmt úrskurði kjararáðs. Ákvæði 7. gr. laga um réttindi og skyldur starfsmanna ríkisins, nr. 70/1996, gilda ekki um starfið.]<sup>1)</sup>

<sup>1)</sup> L. 139/2014, 3. gr.

##### ■ II.

- [Úrskurðarnefnd umhverfis- og auðlindamála skal taka við og ljúka afgreiðslu þeirra kærumála sem eru óafgreidd hjá úrskurðarnefnd skipulags- og byggingarmála.]<sup>1)</sup>

<sup>1)</sup> L. 139/2014, 4. gr.